

թյուն որոնելու համար, վերջիններս նրանց դիմավորեցին հրացանների համազարկերով, որը հայերից խլեց 400 կյանք⁷²։

Հայերը բնաջական զորքերի դեմ հերոսաբար մարտնչում էին պաշարված Ադանայում, Չելթունում, Միսում, Քեսարում և այլ հայաբնակ քաղաքներում և գյուղերում։ Բոլորն էլ ունեցան նույն վախճանը, ինչ որ Հաճընը և Մարաշը։

Կիլիկիահայերի այդ օրհասական պայքարը շարունակվեց մինչև 1921 թ. աշունը։ Հոկտեմբերի 20-ին Անկարայում Յրանսիայի և բնաջական Թուրքիայի միջև կնքվեց պայմանագիր, որով վերջ տրվեց պատերազմական զործողություններին Կիլիկիայում և Յրանսիան իր զորքերը հեռացրեց Կիլիկիայից։ Անկարայի կառավարությունը դարձավ Կիլիկիայի տեր ու տիրականը։ Յրանսիական մոնոպոլիստները, որոնք շահագործված էին վերականգնել իրենց նախկին դիրքերը Թուրքիայում և որոնց թելադրանքով էլ Ֆրանսիական կառավարությունը Կիլիկիան զիջեց Թուրքիային, փոխարենը բնաջական կառավարությունից ստացավ մի շարք կոնցեսիաներ։

Այսպիսով, այն, ինչ որ իթթիհատականներին չհաջողվեց անել Մեծ և զենքի օրերին Կիլիկիահայության նկատմամբ, հինգ տարուց հետո հաջողվեց կատարել նրանց հայաչինջ քաղաքականության հետևողական շարունակողներին՝ բնաջականներին։ Այդ երկրորդ զենեցիղը, որին զոհ գնացին 30 հազարից ավելի Կիլիկիահայեր, այս անգամ կատարվեց մեծ պետություններից՝ Յրանսիայի թողալուց մի կերպ ազատվելու հայությունից։

Բնաջական կառավարությունն իր հայաչինջ քաղաքականությունը շարունակեց թե՛ Անդրկովկասի և թե՛ հունական ճակատներում։ Երբ 1922 թ. սեպտեմբերի 9-ին բնաջական զորքերը ներխուժեցին Չմյուռնիա և ծովափնյա վայրերը, սրի բաշեցին ինչպես հույն, այնպես էլ հայ խաղաղ բնակիչներին։ Նրանցից շատերը՝ կանայք, երեխաներ, ծերեր նեղվեցին Չմյուռնիայի նավահանգիստը, որպեսզի մի կերպ ազատվեն։ Հույներով և հայերով լնդվեցուն տասնյակ նավեր բնաջականների թնդանոթների համազարկով ջրասույզ եղան։ Մովը ներկվեց անմեղ զոհերի արյունով։

4. ԽՔՆԱՊԱՇԱՍԱԿԱՆ ՄԱՐՏՆԵՐԸ

Երիտթուրքերի կողմից կազմակերպված համատարած սպանդի պայմաններում արևմտահայերը, այնուամենայնիվ, երկրի մի շարք շրջաններում անհավասար կռիվ մղեցին թշնամու զերազանց ուժերի դեմ։ Նրանց ինքնապաշտպանության մարտերը մղվում էին առանց ծրագրի, տարերայնորեն, մեկը մյուսից անջատ։ Հերոսական պայքարի շնորհիվ Վանում, Շատախում, Մուշում, Մասիսում, Մուսա լեռան (Ջերեզ Մուսա) վրա, Շապին-Կարահիսարում, Ուրֆայում տասնյակ հազարավոր կյանքեր փրկվեցին թուրքական յաթաղանից։

Հայերի ինքնապաշտպանության ամենանշանակալի զրվազը Վանի հերոսամարտն էր։ Տակավին 1915 թ. փետրվարին Վանի նահանգապետ՝ Զեզեթ փաշան հայտարարել էր. «Հայերի ու ասորիների հետ մենք հաշիվ տեսանք Ադրբեջանում (խոսքը Իրանական Ադրբեջանի մասին է — խմբ.), Վանի հա-

յերի հետ պետք է նույն ձևով վարվել⁷³։ Այդ նպատակով նա Կարինից լրացուցիչ զորքեր ստացավ։

Ապրիլի կեսերին Արենշում, Շատախում, Հայոց Զորի շրջանի գյուղերում և Վանի վիլայեթի այլ հայաբնակ վայրերում թուրքական զորքերն ու ոստիկանությունը սկսեցին զանգվածային կոտորածներ։ Միայն Վանա լճի հյուսիսային շրջանում նրանք երեք օրվա ընթացքում սրի քաշեցին 24 հազար



Փառա Փերկեմզյանը հայդուկի հագուստով

օրից հետո թշնամին վերստին անցավ հարձակման։ Համառ մարտեր տեղի ունեցան թուրքերի գերակշռող ուժերի և քաղաքի պաշտպանների միջև։

Հայերի ռազմամթերքն անբավարար էր։ Նրանք լիովին մեկուսացված էին արտաքին աշխարհից և ոչ մի օգնություն չէին ստանում։ Սակայն Վանի պաշտպաններն իրենց կազմակերպվածության ու հնարամտության շնորհիվ կարողացան սեփական միջոցներով զենք ու ռազմամթերք պատրաստել։ Նրանք ստեղծեցին հատուկ արհեստանոցներ, ուր ոչ միայն վերանորոգում էին իշացած զենքերը, այլև արտադրում նորերը։ Հմուտ զինագործների ղեկավարությամբ վանեցիները պատրաստեցին փամփուշտներ, վառոդ, նռնակներ և նույնիսկ ձուլեցին սղոնձի երեք հրանոթ⁷⁴։ Կազմակերպվեցին բանվորական հատուկ ջոկատներ՝ պաշտպանական կառույցներ ստեղծելու նպատակով, ինչպես նաև պարենի ու մատակարարման և բժշկա-սանիտարական

73 Հայկական ՍՍՀ Գիտությունների ակադեմիայի պատմության ինստիտուտի արխիվ, գ. «Հայերի ունեցած ման թուրքական քաղաքականությունը» (փաստաթղթեր), Բ. 178, Ինքնապաշտպանության մարտերի մասին մանրամասն տե՛ս նաև Ն. Ղ. Սարգսյան, Թուրքիան և նրա նվաճողական քաղաքականությունը Անդրկովկասում 1914—1918, Երևան, 1964, էջ 278—289։

74 Արտակ Դարինյան, Հայ ազատագրական շարժման օրերեն (հուլիս, 1900-ին 1940), Փարիզ, 1947, էջ 275—277։

քաժինները, Հիմնվեց հատուկ բյուրո, որն արձանագրում էր ղեկավարները, կազմում և տարածում ամենօրյա հաղորդագրությունները:

Ինքնապաշտպանական գործողությունները ծավալվեցին հիմնականում Ալեքսանդրապոլում, որը շրջապատված լինելով կառավարական գործերի կողմից, կտրված էր քաղաքի կենտրոնից: Ալեքսանդրապոլյան շտաբը կազմակերպեց հրաձգային գումարտակներ, ոստիկանական ջոկատ՝ թաղամասի ներսում կարգ ու կանոնին հետևելու համար, վիրակապույթյան կայան և հիվանդանոց: Քաղաքի պաշտպանների մեջ իշխում էր խստագույն կարգապահություն և կազմակերպվածություն: Կատաղի կոմիսների ժամանակ մարտիկներին ոգևորելու համար զարոցականներից կազմված «Փանֆաուս փողային նվագախումբը» «Մարտիչո» և հայկական ժողովրդական երգեր էր նվագում⁷⁵: Վանի բոլոր քնակիչները համակված էին մի գաղափարով՝ լավ է մեռնել, քան թե անձնատուր լինել թուրք զահիճներին: Նրանք, ովքեր զենք ունեին, զնում էին կռվելու թշնամու դեմ, իսկ մնացածները ամրություններ էին կառուցում: Մարտիկին մասնակցում էին աղբիկներ, անչափահաս պատանիներ: Կանայք խնամում էին հիվանդներին ու վիրավորներին, պահում երեխաներին և մարտիկների համար հագուստ կարում:

Զնայած քաղաքի համարյա չդադարող հրետանային զնդակոծմանը (Վանի վրա արձակվեց մոտ 16 հազար արկ), թուրքերին չհաջողվեց ընկճել նրա պաշտպանների ոգին: Թուրքական հրետանու կողմից քանդված ամրությունները գիշերները վերստին վերականգնվում էին: Ռազմական գործողությունները կատաղի ընդլայնվեցին: Դիրքերը հաճախ ձեռքից-ձեռք էին անցնում: Թուրքերին այդպես էլ չհաջողվեց կոտրել հայերի դիմադրությունը: Վանի պաշտպանությունը տևեց 27 օր: Փանոս Թերլեմեզյանը ընդամենը Վանի հերոսամարտը, նշում էր, որ այն քաջարժանապատիվ ժողովրդական պատերազմ էր և որը այս ու այն կուսակցության և անհատների վերագրելը հիմնովին թյուրիմացություն մ'է⁷⁶:

Մայիսի 16-ին թուրքերը լուր առնելով, որ մոտենում են ուսական զորամասերն ու հայ կամավորները, վերջին անգամ զնդակոծեցին քաղաքն ու հետաքսն: Հաջորդ օրը երեք հայ կամավորական ջոկատները Վարդանի հրամանատարությամբ մտան Վան: Մայիսի 19-ին Վան մտավ նաև ուսական բանակը՝ գեներալ Նիկոլայի հրամանատարությամբ: Ժողովրդի ցնծությանը չափ ու սահման չկար:

Ռուսական բանակի հրամանատարությունը Վանի ժամանակավոր նահանգապետ Նշանակեց Ա. Մանուկյանին: Վանում արագ կերպով կյանքն իր հունում մեջ էր մտնում: Մակայն այդ կանոնավոր ընթացքը շուտով խաթարվեց, երբ ուսական զորամասերը 1915 թ. հուլիսի 16-ին հեռացան քաղաքից: Անակնկալ նահանջի հրամանը տեղական բնակչությանը զժպարհի կացության մեջ դրեց: Հայերն ստիպված էին թողնել քաղաքը: Սկսվեց խուճապ: Փոխադրական միջոցները չէին բավարարում, ուստի և քնակիչների հոծ դանդաղվածներն ստիպված էին մեծ մասամբ ոտքով շարժվել դեպի հյուսիս՝ ուսական սահմանը: Հեռանալով քաղաքից, հայերը հրկիզում էին տներն ու զույրը:

75 Արսեն Հաջագործյան, Ապրիլյան հերոսամարտը (ականատեսի հուշերը), «Մովսես-Կան Հայաստան», 1965, № 4, էջ 33:

76 «Վան-Տոպ», 1916, ապրիլ, № 22—23, էջ 11:

«Ո՛ր մեկ արգելք,— գրում է Ա. Նկարյանը,— կրնար հետ կեցնել ժողովուրդը, Վանեն մինչև Իզդիր երկարող ճամփան ծածկված էր խուճապահար ժողովրդին անվերջ բազմությամբ... Մայրը կորսունցուցած էր իր տղան, հայրը՝ իր ընտանիքը, լաց ու աղաղակ ամեն կողմ։ Սրտաճմլիկ տեսարան մը, զոր ոչ մի գրիչ կարող է նկարագրել։ Բազմությունը կը հառաչանա դանդաղ, հուսահատ, ինչպես մահվան թափորը»⁷⁷։ Վանի գաղթականներին ճանապարհին միացավ նաև շրջակա գյուղերի բազմահազար բնակչությունը։ Թուրքական զորամասերը, օգտվելով ստեղծված կացությունից, անցան հարձակման և արագորեն գրավեցին Այրճեշը։ Վանից դեպի Հյուսիս տանող ճանապարհը կտրվեց և գաղթականների մի մասը ստիպված էր շարժվել դեպի արևելք՝ Հարավային Ադրբեջան։ Նրանց մեծ մասին, այնուամենայնիվ, հաջողվեց լեռնային կածաններով անցնել Անդրկովկաս։

Ռուսական զորքերի ետ քաշվելուց հետո թուրքերը, Զևեթ փաշայի ղեկավարությամբ, մտան Վան, բայց մի քանի օր հետո Կովկասյան բանակը նորից հարձակման անցնելով, թուրքերին վճռեց Վանից ու վերստին տիրացավ քաղաքին։ Վանում գտնվելու այդ կարճատև ժամանակամիջոցում արյունարու Զևեթ փաշան սրի բաշեց այն մի քանի հարյուր հայ երեխաներին ու կանանց, որոնք չէին հասցրել հեռանալ քաղաքից։ Նա այրեց կանգուն մնացած տները և քաղաքը հիմնովին կողոպտեց։ Վան մտած ռուսական զորքերը հայտնաբերեցին թուրքական գաղանդությունների թարմ հետքեր։

Վանից բացի հերոսական ինքնապաշտպանության դիմացին նաև Շատախի շրջանի Վարպզ, Դարմուն, Շուշանց գյուղերի հայերը։ Շուրջ երկու շաբաթ թշնամու գերազանց ուժերի դեմ մարտնչելուց հետո շատախցիները մեծ զոհերի դնով, ճեղքեցին թուրք հրոսակների օղակը, հասան Վան և միացան Վանի պաշտպաններին։

1915 թ. մայիսին թուրքական զորքերին համառ դիմադրություն ցույց տվեցին նաև Տարոնի հայերը։ Սակայն թշնամու գերազանց ուժերի դեմ նրանք ի վիճակի չեղան երկար պահել իրենց դիրքերը։ Տարոնի դաշտի բնակչության դիմադրությունը կտրեցվելով, թուրքական զորքերը մոտեցան Մուշին և պաշարեցին քաղաքը։ Մուշի հայ բնակչությունը համառ դիմադրություն ցույց տվեց։ Պատասպարվելով եկեղեցիներում և քարե տներում, քաղաքի հայերը շուրջ օր (հուլիսի 11-ից մինչև 14-ը) մարտնչում էին թուրքերի դեմ, սակայն, ինչպես նկարագրում է Բրաչյը, գերմանական սպաների հրամանատարությամբ զործող թուրքական թնդանոթները խաբլիեցին հայերի դիրքերը։ Հայ մարտիկները պաշտպանվում էին մինչև վերջին շունչը։ Մուշի սանջակի 59 հազար հայերից փրկվեց միայն 9 հազար մարդ, որոնց հաջողվեց ապաստանել Սասնա լեռներում և շարունակել իրենց հերոսական պայքարը⁷⁸։

Թուրքական զորքերը, կտտրեցվով դաշտավայրի բնակչությանը, շարժվեցին դեպի Սասուն։ Բայց սասունցիները տեղեկանալով, որ Արևմտյան Հայաստանի շրջաններում թուրքերը բնաջնջում են հայ բնակչությանը, համա-

⁷⁷ Ա. Նկարյան, Հուշեր, էջ 249։

⁷⁸ S. S. Bryce Viscount, The Treatment of Armenians in the Ottoman Empire. Documents presented to Viscount Grey of Follodon, London, 1916, p. 82.

խմբվեցին և երգվեցին դիմակայել մինչև վերջին ուժերը: Նրանք մի բանի ամիս շարունակ հերոսաբար պայքարեցին մոտ 30 հազարանոց թուրքական բանակի դեմ: Ինքնապաշտպանությունն ստացավ օրհասական բնույթ: Կովին մասնակցեցին նաև կանայք ու երեխաները, զենք չունեցողները պաշտպանվում էին բահերով, քարերով: Համոզվելով, որ ուղղակի որոհները նպատակին չեն հասնում, թուրքական հրամանատարությունը որոշեց պաշարել Սասունը, կտրել արտաքին աշխարհից և սովամահ տնկելով վերջինը այն: Թուրքական հրետանին անդադար ղեկավարում էր սասունցիների ղերբերը: Պաշտպաններն ուժասպառ էին լինում: Ամեն օր տասնյակ մարդիկ մահանում էին քաղցից: Հուլիսի 22-ին թուրքական հրոսակները ձեռնարկեցին իրենց վերջին դրոհը և գրավեցին Անտոք ու Քեփին լեռները: Այլևս չունենալով դիմադրելու ոչ մի հնարավորություն, կենդանի մնացածները բաժանվեցին առածին խմբերի, բարձրացան լեռները և թաքնվեցին կիրճերում ու անտառներում: Նրբ ուսակա զորքերը մոտեցան Մուշին ու Սասունին, նրանք՝ թվով 5000 մարդ, դուրս եկան թաքստոցներից:

Զեյթունի հայ ազգաբնակչությունն ունկնդրելով Կիլիկիայի կաթողիկոս Սահակի հորդորներին, որը հավատացել էր թուրքական իշխանությունների կեղծ խոստումներին, այս անգամ չկարողացավ կազմակերպել իր ինքնապաշտպանությունը: Թուրք զահիճները նախօրոք զլխատել էին հերոս Զեյթունի ռազմական ուժը. դեռ 1914 թ. բանտարկվել էին 42 աչքի բնկնող զեյթունցիներ, այդ թվում 1895 թ. հերոսական ինքնապաշտպանության ղեկավար, 1908 թ. Զեյթունի քաղաքագլուխ Նազարեթ Զաուշին, որին բանտում թունավորեցին և սպանեցին: Սակայն երիտասարդության մի մասը մերժեց չղիմադրելու լառաբարկությունները և միանալով թուրքական բանակից խուճափած և Զեյթունի լեռներում ապաստանած հայ զինվորներին, սկսեց փոքրիկ խմբերով հարձակումներ գործել թշնամու զորամասերի վրա: Հաճախակի իջնելով լեռներից, նրանք աղատում էին տեղահանված ու զեպի Միջագետք քշվող զեյթունցիներին: Ինքնապաշտպանական մարտերը Զեյթունում շարունակվեցին շուրջ երեք ամիս: Չնայած դրան, 1915 թ. մայիսին թուրքական զորքերին ի վերջո հաջողվեց գրավել Զեյթունը և ոչնչացնել տեղում մնացած հայ բնակչությունը:

Հայ ժողովրդի հերոսական պայքարի փառահեղ էջերից էր նաև Մուսա լեռան ինքնապաշտպանությունը, որին նվիրված է ավստրիական հայտնի գրող Ֆրանց Վերֆելի «Մուսա լեռան քառասուն օրը» նշանավոր վեպը, որը թարգմանվել է շուրջ 30 լեզուներով:

1915 թ. հուլիսի 13-ին թուրքական իշխանություններն Անտիոքի ժովախորշի մերձակայքում գտնվող Մուստիայի հայկական վեց գյուղերի (Յողուն-օլուր, Խոլրեբեգ, Քեբուսին, Բիթիաս, Հաջի-Հարբիլի, Վազքթ) բնակիչներին հրամայեցին՝ վաճառել իրենց ամբողջ ունեցվածքը և պատրաստվել ճանապարհ ընկնելու զեպի Միջագետք: Ի պատասխան դրան հայերը որոշեցին դիմադրել մինչև արյան վերջին կաթիլը: Մոտ հինգ հազար տղամարդիկ, կանայք ու երեխաներ իրենց անասունների հետ բարձրացան ժովափից վեր խոյացող անառիկ ու ժայռոտ Մուսա լեռը: Մուստահայերից շատ քչերը զենք ունեին՝ շուրջ 350 հրացան, 50 ատրճանակ և 200 դաշույն: Նրանք բնորենցին պաշտպանության կոմիտե՝ Նսայի Յաղուբյանի ղեկավարությամբ: Յաղուբյանի մարտական գինակիցներն էին Պետրոս Տմբարյանը, Զեյթունի ող-

բերդության մասնակցած, հրաշքով տարազրույթունից փախած ու իր ծննդավայր՝ Յողուն-օլուք հասած Տիգրան Անդրեասյանը, Հակոբ Քարակոչյանը և ուրիշներ: Մուսալեռցիներն ստեղծեցին յուրահատուկ ռազմական ճամբար՝ խրամատներ փորեցին, ճանապարհներն ու արահտները փակեցին, լեռան մատույցները շրջապատեցին փշալարերով և ժայռաբեկորներից պատնշներ կանգնեցրին:

Հուլիսի 21-ին թուրքական մոտ յոթ հազար զինվորներ սկսեցին հարձակումը Մուսա լեռան վրա: Վաղ առավոտից մինչև ուշ գիշեր նրանք ամեն կողմից գրոհում էին, փորձելով ճեղքել հայերի պաշտպանությունը և ներխուժել ճամբարը: Սակայն նրանց գրոհները ետ մղվեցին: Կանգ չառնելով գոհերի առաջ, թուրքական զորամասերը դիմում էին նորանոր հարձակումներին:

Այդ անօրինակ պաշտպանության մասնակիցներից մեկը պատմում է թուրքական հրանոթն իր կրակով մեծ վնասներ էր պատճառում հայերին: Պաշտպանության ղեկավարները որոշեցին լուցնել այն: Եվ նրանց հանձնարարությամբ լավագույն հրածիրներից մեկն աննկատելի մոտենալով թուրքական դիրքերին, դիպուկ կրակոցներով սպանեց շորս հրետանավորների ու գերի վերցրեց մարտկոցի հրամանատարին⁷⁹:

Առաջին անհաջող գրոհներից հետո թուրքական զորքերը Մուսա լեռան գագաթը տանող բոլոր արահտներով ձեռնարկեցին նոր հարձակում: Պաշտպանության կոմիտեն, փորձելով կանխել թշնամու առաջխաղացումը, իր ուժերը ցրեց բոլոր ուղղություններով և դրանով թույլ տվեց տակտիկական լուրջ սխալ: Թուրքերն օգտվեցին դրանից, իրենց հիմնական հարվածը կենտրոնացրին զլխավոր անցման տեղում և առաջանալով, գրավեցին մի շարք կաբևոր բարձունքներ: Վստահ իրենց հաղթանակին, նրանք գիշերն անցկացրին անտառում, մտադրվելով լույսը բացվելուն պես անցնել նոր հարձակման և վերջնական հաղթահարողոր փնտել ինքնապաշտպանների հետ: Թուրքերի այդ վրիպումը փրկեց մուսալեռցիներին: Գիշերը նրանք շրջապատեցին թուրքական զորքերին և կրակ բացելով, ամեն կողմից գրոհի նետվեցին: Այդ անսպասելի հարձակումից հանկարծակի եկած թուրքերը խուճապահար փախուստի դիմեցին, թողնելով ռազմադաշտում 200 սպանված: Լուսադեմին ամբողջ անտառը մարքված էր թշնամու զինվորներից⁸⁰:

Այդ պարտությունից հետո թուրքական հրամանատարությունը նոր ուժեր կենտրոնացրեց, հասցնելով իր զինվորների թիվը քսան հազարի: Մուսա լեռը ցամաքից դարձյալ շրջապատվեց խիստ օղակով: Ինքնապաշտպանների զրլխին կախվեց սովահարության վտանգը: Դրությունը օրհասական էր դառնում: Մնում էր փրկության միակ ուղին՝ Միջերկրական ծովը, որի ժայռապատ ափը թշնամին չէր կարողացել պաշարել: Ինքնապաշտպանության ղեկավարները կազմեցին երեք օրինակից մի նամակ և տվեցին երեք լավագույն լողորդներին: Սրանք պետք է հասցնեին այդ նամակները Անտիոքի ծովախորշով անցնող Անտանտայի երկրների նավերին: Այդ նամակներում մուսալեռցիները խնդրում էին՝ փրկել իրենց ընտանիքներին և զենք ու պարեն տալ՝ հակառակորդի դեմ պայքարը շարունակելու համար:

Սակայն օրերն անցնում էին, իսկ հորիզոնի վրա և ոչ մի նավ չէր երև-

79 ՏՃ՝ «*Արմ. Բարբի*, В стране ужаса. Мученица Армения, Тифлис, 1919, стр. 64.

80 ՏՃ՝ «*Նույն տեղում*»:

վում։ Այդ ժամանակամիջոցում կանայք պատրաստեցին երկու զորշակ, մեկի վրա անգլերեն գրված էր «Քրիստոնյաներն աղետ են ապրում, փրկեցե՛ք մեզ», իսկ մյուսի վրա նկարված էր մի կարմիր խաչ։ Դրոշակներն ամրացվեցին երկու բարձր ծառերի կատարներին։

Պաշտպանության 53-րդ օրը Մուսա լեռան ափին մոտեցավ Ֆրանսիական «Cuichen» (Կիշեն) ռազմանավը։ Մի քանի կտրիճ մուսավեղներ լողալով հասան նավին և իրենց խնդրանքը հաղորդեցին նավապետին։ Վերջինս այդ մասին տեղեկացրեց էսկադրայի հրամանատարին, որը հանձն առավ հայերին դուրս բերել շրջապատումից։ Այդ գործում քիչ զեր լիսաղաց Ֆրանսիական նավի սպա Տիրան Թերիշյանը։ Շուտով ափին մոտեցան Ֆրանսիական «Ժաննա դ'Արկ» ռազմանավը և անգլիական մեկ նավ՝ ռազմանավների ուղեկցությամբ։ Ռազմանավների հրետանային կրակի պաշտպանության տակ մուսավեղներն իրենց ընտանիքներով (ավելի քան 4 հազար մարդ) հաջողությամբ տեղափոխվեցին նշված նավերը։ Սեպտեմբերի 14-ին նրանք հասան Պորտ-Սաիդ, ուր և բնակություն հաստատեցին։

Այսպես, չինթարկվելով Միջագետք արտրվելու թուրքական կառավարության հրամանին, ուր նրանց տանջալից մահ էր սպասում, Մուսա լեռան հայերը փրկվեցին՝ շնորհիվ իրենց խիզախության ու տոկունության։

Հայ ազգաբնակչությունը թուրք բռնակալներին զինված դիմադրություն ցույց տվեց Անատոլիայի նաև այլ շրջաններում։

Շապին-Կարահիսարում շուրջ 5000 հայեր, հրաժարվելով զենքը հանձնել իշխանություններին և տեղաշարժվել Միջագետք, 1915 թ. հունիսի 3-ից մինչև նույն ամսի վերջը համառ մարտեր մղեցին թուրքական 10-րդ կորպուսի զորամասերի դեմ։ Նրանք զրավեցին քաղաքի միջնաբերդը, որտեղ ետ էին մղում թշնամու անընդհատ հարձակումները։ Շապինկարահիսարցիներին հերոսամարտերում աչքի ընկան Ավագ Տյուրիկյանը, Գարեգին Կարմիրյանը, Շապուհ Օզանյանը, Գասպար Ղուկասյանը, Իսրայել Օզանը, Վահան Հյուսիսյանը և Հմայակ Գարակյոզյանը⁸¹։

Թուրքական հրամանատարությունը երզնկայից ու Սվազից օժանդակ զորամասեր փոխադրելով, ուժեղացրեց գրոհները և թնդանդներով ուժեղացրեց միջնաբերդը։ Հայերը արիարար ետ էին մղում թշնամու բոլոր գրոհները։ Սակայն պարենի և զինամթերքի խիստ պահանջ էր զգացվում։ Հայերը ստիպված մարտերով նահանջում են զնայի Շապին-Կարահիսարին կից հինավուրց բերդը, որը գտնվում էր լեռան զազաթին։ Ինքնապաշտպանությունը զեկավարելու համար կազմվեց զինվորական խորհուրդ՝ Ղուկաս Տեովյանի գլուխավորությամբ։ Կազմվեցին նաև մարտական խմբեր։ Թուրքական զորքերը չկարողացան ընկճել հայերի համառ դիմադրությունը, նրանք արիարար ետ էին մղում թշնամու բոլոր գրոհները։ Թուրք կուսակալը ստիպված բանազնաց ուղարկեց հայերի մոտ՝ հանձնվելու առաջարկով, որին հայերը պատասխանեցին. «Մենքնեղու երկու ձև կա. պատվով կամ անպատվով մահ. թող աշխարհը ըսն, թե շապինկարահիսարցիք պատվով մեռան»⁸²։

81 «Ցուլամատյան մեծ եղեռնի, 1915—1916», Քելուք, 1965, էջ 774; Տե՛ս նաև Արամ Հայկազ, Շապին-Գարահիսար ու իր հերոսամարտը, Նյու-Յորք, 1957, էջ 115—116։

82 «Ցուլամատյան...», էջ 777։

Հայերը շարունակեցին իրենց հերոսական ինքնապաշտպանությունը: Գնալով հայերի դրությունը բարդանում էր. սպառվում էին պարենը ու զինամթերքը, ջրի խիստ պահանջ էր զգացվում, ղեկորայք չկար: Այլևս պաշտպանվելու հնարավորություն չմնաց: Որոշվեց, որ կռվող մարտիկները գիշերվա խավարում ճեղքեն թուրքական շղթան և դուրս գան հարևան շրջանները, որտեղից զուցե կարողանան օգնություն կազմակերպել բերդում մնացածներին: Որոշման համաձայն Շապին-Կարահիսարի հերոսները բավականին զոհեր տալով, ճեղքեցին թշնամու մահաբեր օղակը: Հունիսի վերջին թուրքական հրոսակները ներխուժեցին բերդը և սրախողխող արին մինչև վերջին մարդը: Շապին-Կարահիսարի հերոսական ինքնապաշտպանությունը տևեց 27 օր:

Պակաս հերոսական չէր հայերի պայքարը նաև Ուրֆա (Ուսճա, Սեբասիա) քաղաքում: Ուրֆայի հայերը, որոնց թիվը կազմում էր 35 հազար (ընդհանուր բնակչությունը՝ 100.000 էր), ակնատես լինելով Ուրֆայի վրայով քաղմաթիվ հայերի արստրին ղեպի Միջագետքի ավազուտները, մերժեցին ղենքը հանձնելու և իրենց հայրենի բնակավայրերը թողնելու թուրքական իշխանությունների պահանջը: Նրանք որոշեցին դիմել ինքնապաշտպանության: Մարտերը ղեկավարում էր երեսնամյա Մկրտիչ Յոթնեղբայրանը, որի զինակիցներն էին Հարություն Ռասիկելեյանը, Հովհաննես Իմիրյանը, Խորեն Բյափիկյանը, Հարություն Սիմյանը, Լևոն Նյրեբերկյանը, Արմենակ Արթուրյանը: Կազմակերպված մարտական ջոկատները 1915 թ. սեպտեմբերի վերջին ջախջախիչ հարված հասցրին Ուրֆայի հայկական թաղի վրա հարձակված թուրք հրոսակներին և ստիպեցին նրանց խուճապահար հտ նահանջել:

Զեմալ փաշայի հրամանով Ուրֆայի դեմ Տ հազարանոց զորամաս և թրեղանոթներ բերվեցին Հալիպից՝ Ֆահրի փաշայի հրամանատարությամբ, որի տեղակալն էր գերմանացի սպա Քոունտ Վոլֆ Ֆոն Վոլֆհանգհերը: Թնդանոթաձգությունը ղեկավարում էր գերմանացի գեղապետ Ֆոն Էկսֆելլը: Ուրֆացիների հերոսական ինքնապաշտպանությունը տևեց 26 օր՝ սեպտեմբերի 29-ից մինչև հոկտեմբերի 24-ը: Քաղաքի հայոց թաղի վրա անընդհատ շարունակվում էր թնդանոթաձգությունը, քարուքանդ էին արվում ինքնապաշտպանների դիրքերը: Սակայն հայկական ջոկատները չէին ընկնում, շարունակում էին ետ մղել թշնամու գերազանց ուժերի գրոհները: Ֆահրի փաշայի հրոսակները, մեծ զոհեր տալով, շրջապատեցին հայկական թաղը և նորից անցան գրոհի: Ուրֆայի հայ հերոսները որոշել էին շղիքել իրենց դիրքերը, պայքարել վայրագ թշնամու դեմ մինչև վերջին շունչը: Տղամարդկանց հետ միասին հերոսաբար կռվում էր նաև կանանց երեք ջոկատ: Վիրավոր, գերի ընկած թուրք սպա Յուսուֆը վկայում է, որ արա հազած ու զինված հայ կանայք կռվում էին «առասպելական հերոսների նման, որ երբ միտքս կիշնան, ոսկրներս իսկ կսարսռան»⁸³:

Ի վերջո, թուրք հրոսակներին, բավական զոհեր տալուց հետո, հաջողվեց ներխուժել հայկական թաղը և հաշվհարդար տեսնել ողջ մնացածների հետ: Նրանք սրի քաշեցին գրեթե բոլորին, իսկ 120 ղեկավարների կախաղան բարձրացրին: Ինքնապաշտպանության ընդհանուր ղեկավար Մկրտիչ Յոթնեղբայր-

⁸³ Տե՛ս Ս. Ավետյան, Հայ ազատագրական ազգային հիսնամյա (1870—1920) հուլամատյան և զոր. Անգրաեիկ, Փարիզ, 1954, էջ 330:

յանը, որը ծանր վիրավոր էր, վերջին բուպին թշնամու ձեռքը չնկնելու համար ինքնասպանություն դորձեց:

Ուրֆացիների դահիճ Ֆահրի փաշան, որը մեծ ղոհների գեով միայն կարողացավ կոտրել հայերի հերոսական ինքնապաշտպանությունը, ստիպված էր խուսափանել. «Ե՛նչ կլինի մեր վիճակը, եթե այս ծանր օրերին մի քանի Ուրֆաներ մեր՝ զեմ այսպես ծառանային»⁸⁴:

Ընդհանուր առմամբ այն վայրերում, ուր հայերն իրենց կյանքը փրկելու համար զենքի դիմեցին, զգալիորեն ավելի քիչ տուժեցին, քան երբ անտուրատունջ կատարում էին թուրքական իշխանությունների կարգադրությունները:

Թուրքիայի պաշտոնական պատմագրությունը այդ բոլորից հետո հանդերձում է արդարացնել 1915—1916 թթ. երիտթուրքերի հայաջինջ քաղաքականությունը: Թուրք բուրժուական պատմաբանների կարծիքով ոչ-մահմեդական ժողովուրդները, այդ թվում և հայերը, չպետք է պայքարեին իրենց ազատության համար: Արհամարհելով պատմական հայտնի փաստերը, որոնք անհերքելիորեն վկայում են թուրքական սուլթանների վարած հարստահարիչ ու քաղաքարական քաղաքականության մասին, նրանք պնդում են, որ թուրքերը երբեք ամբողջ մի ազգի նկատմամբ բռնություն չեն գործադրել, որ իրենց կրոնը բուն չեն պարտադրել Օսմանյան կայսրության տիրապետության տակ ընկած ժողովուրդներին⁸⁵:

Թուրք պատմաբան էսատ Ուրասը, անդրադառնալով 1915—1916 թթ. զեպերին, գրում է, որ թուրքերի կողմից 600—800 հազար կամ նույնիսկ մեկ միլիոն հայ ոչնչացնելու մասին եղած տեղեկություններն ընդհանուր ոչինչ չունեն իրականության հետ: Ընդհակառակը, պնդում է պատմության այս կեղծաբարը, հայերի կողմից սպանված մահմեդականների թիվն ավելի մեծ է⁸⁶: Հեղինակը ջանք չի խնայում ապացուցելու, որ իբր հայ ազգաբնակչության ոչնչացման վերաբերյալ թուրքական կառավարության կողմից նախապես մշակված ծրագիր չի եղել:

Պատմաբաններ Հիքմեթ Բալուրը, Ահմեդ էմին Յալմանը և ուրիշներ երիտթուրքական կլիկին հայկական զենոցիդի հարցում արդարացնելու նպատակով դիմում են սուլթանական կառավարության և երիտթուրքական կուսակցության ղեկավարների կողմից 1916 թ. Կ. Պոլսում հրատարակած կեղծ փաստաթղթերից կազմած «Հայկական կոմիտեների նպատակներն ու ապստամբական շարժումը սահմանադրության հույակումից առաջ և հետո» մոդովածութին: Մասնավորապես նրանք վկայակոչում են Թալեաթի պատասխանն Անտանտայի տրուքությունների նոտային՝ հայկական կոտորածների վերաբերյալ: Հիշյալ պատասխանում թուրքական կառավարությունը փորձում էր համաշխարհային հասարակական կարծիքից թաքցնել հայ ժողովրդի մեծազույն աղբերգությունը:

Հիքմեթ Բալուրն իր աշխատության մեջ, հետևանքը որպես պատճառ ներկայացնելով, գրում է, որ երիտթուրքերի կիրառած պատժիչ միջոցառումները թեկադրվում էին հայերի ապստամբությանը վնասում, Բիթլիսում ու Շահ-

⁸⁴ Տե՛ս «Ուրֆայի հերոսամարտը» («Գրական թերթ», № 16, 1965, ապրիլի 16):

⁸⁵ Sadri Maksudi Arsal, İkinci Türk Tarih Kongresi, s. 1062, 1074, 1092.

⁸⁶ Esat Uras, Tarihî Ermeniler ve Ermeni Meselesi, Ankara, 1950, s. 617.

տախտում⁸⁷ Ալեուամենայնիվ Բալուրը ստիպված խոստովանում է, որ «Հայկական ապստամբության ճնշման ձևը» պատմության շատ տխուր էջերից է»։ Երիտթուրքերի գործադրած վայրագ միջոցառումները Հիթմեթ Բալուրը բնութագրում է որպես հարկադրական քայլեր, որոնց նրանք ստիպված էին դիմել պետությունը փրկելու համար⁸⁸։

Թուրք մյուս պատմաբանը՝ Թևֆիք Բըլբըլըօղլուն նույնպես նենգափոխում է պատմական փաստերը։ Ամերիկյան պատմաբան Ֆիշերի «Մերձավոր Արևելքի պատմություն»⁸⁹ գրքի մասին գրած իր գրախոսականում նա պաշտպանում է հեղինակի այն կարծիքը, որ Վանի ու Կարինի վիլայեթներում բնակվող հայերը 1915 թ. զենքի դիմեցին ռուսական զորքերին օգնելու համար⁹⁰։

Ահմեդ էմինը, փորձելով հերքել Մանդելշտամի այն պնդումը, որ հայերի մտքում անգամ չի եղել ապստամբություն բարձրացնել թուրքական կառավարության դեմ և որ նրանք զենքի դիմեցին միայն այն ժամանակ, երբ նրանց անխուսափելի մահ էր սպառնում, գրում է. «Հայերի վարքագիծը լիովին արդարացնում էր նրանց արքայը»⁹¹։ Սակայն իր գրքի մի այլ տեղում նա ակամայից բացահայտում է Հայկական հարցում երիտթուրքերի հետապնդած իսկական նպատակները։ «Հայերին արտաքսելը, նշանակում էր հայկական փոքրամասնության վերացումը Թուրքիայում։ Ֆիզիկական լրիվ քնաջնջման կողմնակիցները մատնանշում էին, որ հայկական խիտ ազգաբնակչությունն արևելյան շրջաններում վտանգ է ներկայացնում Թուրքիայի բուն գոյությունը, ուստի և հարկավոր է վերացնել այդ վտանգը...»⁹²։

Օսմանյան կայսրության պարտությունից և Անտանտայի պետությունների հետ 1918 թ. հոկտեմբերի 30-ին Մուգրոսում դինազադար կնքելուց անմիջապես հետո, երիտթուրքական պարագլուխները փախան արտասահման։ Մի շարք նրկների առաջադեմ շրջանները պահանջեցին հայ ժողովրդի սպանդի կազմակերպիչներին պատասխանատվության ենթարկել։ 1919 թ. փետրվար ամսին Ստամբուլում ռազմական տրիբունալը լսեց նրանց գործը։ Դատավարությունը տևեց շուրջ 6 ամիս։ Ռազմական տրիբունալը 1919 թ. հունիսի 6-ին որոշեց Թուրքիան պատերազմի մեջ ներքաշելու և հայերի տեղահանման ու ջարդերի համար հեռակա կարգով մահվան դատապարտել զիլաՎոր հանցագործներին՝ մեծ վեզիր և ներքին գործերի մինիստր Թալեաթին, ռազմական մինիստր էնվերին, ծովային մինիստր Զեմալին, լուսավորության մինիստր, երիտթուրքերի կուսակցության զիլաՎոր քարտուղար ղոկտոր Նազիմին⁹³։

Ժողովրդական վրիժառուները դատաստան տեսան արևմտահայերի արտորի և ջարդերի կազմակերպիչների հետ։ 1921 թ. մարտի 15-ին Սոդոմոն Թեհլըյանը Բեռլինում ատրճանակի կրակոցով սպանեց Թալեաթ փաշային։

⁸⁷ Bayur Yusuf, *Hikmet*, Türkiye Devletinin Dış Siyaseti, İstanbul, 1938, s. 37.

⁸⁸ Նույն տեղում, էջ 6։

⁸⁹ S. N. Fisher, *The Middle East. A History*, New-York, 1959.

⁹⁰ «Belleten» (Türk Tarih Kurumu), c. XXIV, s. 94, Ankara, 1960, s. 326—327.

⁹¹ Emin Ahmet, *Turkey in the World War*, London, 1930, p. 215.

⁹² Նույն տեղում, էջ 152։

⁹³ SKA 2002, ԿՊՊԱ, ֆ. 200, ց. 1, գ. 237, ք. 51—61; SKA նաև «Геноцид...», стр. 470, 518.

1921 թ. հունիսին Բեռլինում տեղի ունեցավ Սոդոմոն Թեհերյանի գաղափարությունը, որը լայն արձագանք գտավ ամբողջ աշխարհում: Դատական նիստերին հրավիրված վկաների ցուցմունքները և բերված փաստաթղթերը լիովին հաստատեցին, որ երիտթուրքերի պարագլուխները, և հատկապես Թալեաթ փաշան, հանդիսացել են արևմտահայության բնաջնջման կազմակերպիչները: Դատարանը Սոդոմոն Թեհերյանին լրիվ արդարացրեց⁹⁴:

1921 թ. Թիֆլիսում տեղորի ենթարկվեց նաև Ջեմալ փաշան: 1921 թ. էնվեր փաշան Միջին Ասիայում, գլխավորելով բասմալների պայքարը Կարմիր բանակի դեմ, երազում էր իրագործել իր ցնորամիտ պանիսլամական, պանթուրքական՝ Մեծ Թուրան ստեղծելու պլանները: Կարմիր բանակը ջախջախեց բասմալներին, իսկ նրանց պարագլուխ էնվերը Աֆղանստան փախուստի դիմելու պահին սպանվեց: 1922 թ. ապրիլի 17-ին Բեռլինում Արամ Երկանյանը, Արշավիր Շիրակյանի հետ տեղորի է ենթարկում Բեհաջղին Շաքիրին և Ջեմալ Ազմիրին: Թուրքիայի վարչապետ Սաիդ Հալիմ փաշան սպանվեց Հոռոմե 1921 թ. դեկտեմբերի 6-ին Արշավիր Շիրակյանի կողմից:

5. ԱՅ ԳԱՂԹԱԿԱՆՈՒԹՅՈՒՆԸ

Թուրքական յաթաղանից փրկված արևմտահայության բեկորները սփռվեցին աշխարհով մեկ: Օսմանյան կաշարության մեջ բնակվող 2,5 միլիոն հայ ազգաբնակչությունից կենդանի էր մնացել ընդամենը 850 հազար մարդ: Դրանից 200 հազարը կարողացել էր մի կերպ պահպանել իր գոյությունը Թուրքիայում, մոտ 200 հազարը՝ ակրազանցապես կանայք ու երեխաներ, բռնի կերպով մահմեդականացվել էին, 250 հազարը՝ ապաստանել էր Ռուսաստանում ու Անգրիկովկասում, իսկ 200 հազարը՝ տառապում էր Միջագետքի ու Սիրիայի ճամբարներում⁹⁵: 1916—1917 թթ. տարագիր հայերի մեծ մասը Միջագետքից ու Սիրիայից հանգրվանեց Լիբանոնում, Նեփտոսում, Ֆրանսիայում, ինչպես նաև Հարավային ու Հյուսիսային Ամերիկայում և այլուր: Այդպես ստեղծվեց հայկական սփյուռքը:

Կռվկաս ու Ռուսաստան գաղթեցին ալաշկերտցիները, հին բալազետցիները, վանեցիները, մշեցիները և ուրիշներ, որոնց թիվը ի հաշիվ նաև Կարսի, Արդահանի ու Արդվինի շրջաններից փախած հայերի, աստիճանաբար ստվարանալով, 1918 թ. հասավ կես միլիոնի Ռուսաստանում ապաստանած արևմտահայ գաղթականների մեծ մասը տեղավորվել էր Արևելյան Հայաստանում: Սովը և համաճարակն օրեցօր նոսրացնում էին գաղթականների շարքերը: 1915 թ. միայն օգոստոս ամսին էջմիածնում քաղցի ու համաճարակի զոհ դարձան 4597 մարդ: «Մեր գոյությունը սպառնացող թշնամու արհիվիրքներին հետո,— գրում էին Երևանի գաղթականները,— այսօր ապրումսի ու եղանակի պահանջներն ավելի քան վտանգավոր կերպարանք ստացած են... Անոթի ու մերկ, անտուն ու անտեղ ժողովուրդը, ներկա եղանակի խստություններու մեջ, ձգած է իր բախտին ու ասոր բմահաճույթին»⁹⁶:

⁹⁴ Դատական պրոցեսի մասին մանրամասն տե՛ս «Դատավարություն Թալեաթ փաշայի ու Ազգաբնակչության դեմ», Վիեննա, 1921:

⁹⁵ J. Lepsius, Deutschland und Armenien... S. LXV.

⁹⁶ «Մշակ», 1916, 27 դեկտեմբերի, № 289.